

Inatsisartut aalajangigassaatur siunnersuutigineqarpoq Naalakkersuisut peqquneqassasut UPA2018-imut Tunumi aalisarneq pillugu nassuiaat agguaatissagaat. Nassuiaatip imarissavaa Naalakkersuisut aalisarnikkut inerisaaniarlutik iliuusissaat – kiisalu innersuussutit, aalisarnerup inerisarnissaanut tunngasutigut siunnersuutaasut

(Saqq.: Inatsisartunut ilaasortaq Laura Táunâjik, Siumut)

pillugu

Aalisarnermut, Piniarnermut Nunalerinermullu ataatsimiititaliap

ISUMALIUTISSIISSUTAA.

Siunnersuutip aappassaaneerreqarneranut saqqummiunneqartoq.

Suliarineqarnerani ataatsimiititaliaq kingullermik ukuninnga inuttaqarpoq:

Inatsisartunut ilaasortaq Hans Aronsen, Inuit Ataqatigiit, siul.

Inatsisartunut ilaasortaq Michael Rosing, Attaviitsoq, siul. tull.

Inatsisartunut ilaasortaq Mala Høy Kuko, Siumut

Inatsisartunut ilaasortaq Nikkulaat Jeremiassen, Siumut

Inatsisartunut ilaasortaq Henrik Fleischer, Partii Naleraq

Inatsisartunut ilaasortaq Kelly Berthelsen, Inuit Ataqatigiit

Inatsisartunut ilaasortaq Villy Olsvig, Inuit Ataqatigiit

Ulloq 12. Oktober 2017 siullermeerereermermi siunnersuut ataatsimiititaliamit misissorneqarpoq.

Siunnersuutip imaa siunertaalu

Tunumi aalisarneq pillugu UPA 2018-imut Naalakkersuisut nassuiaammik agguaassinissamik peqquneqassasut siunnersuutikkut kinguneritinneqassaaq. Aalisarneq siuarsarniarlugu Naalakkersuisut sunik iliuuseqarsimanerat allaaserineqassaaq, kiisalu aalisarnerup qanoq ineriartorteqqissinnaanerani inassuteqaatit nassuiaammi imaritinneqassapput

Ataatsimiititaliap siunnersuummik suliaqarnera

Ataatsimiititaliap maluginiarpaa, nassuiaat maanna siunnersuummi pineqartoq oqaaseqartartunit tamanit kissaatigineqarpoq, kiisalu Naalakkersuisut taamatut suliaqarnissamut piareersimasut.

Tunumi aalisarneq siuarsarniarlugu maanna qanoq iliuuseqartoqarsimanersoq pillugu nassuiaasiornissamut siunnersuut ataatsimiititaliap ilaliinnarsinnaavaa, tassungalu atatillugu aalisarneq qanoq iluuseqarnikkut siuarsaqinneqarsinnaanersoq, taamaalillunilu ilaatigut suliffinnik nutaanik pilersitsinissamut tunngaviliisoqarsinnaassalluni kiisalu nunap immikkoortuani aningaasaqarnikkut ineriartortitsisoqarluni.

Tamanna tunngavigalugu ataatsimiititaliaq tunngaviusoq pillugu annertunerusumik ingerlaannaq oqaaseqaateqarnissaminut pissutissaqarsorinnigilaq, kaammattuutigiinnarniarluguli nassuiaammik suliaqarnermut atatillugu Naalakkersuisunit uku isumagineqassasut:

- Piginneqatigiilluni pisassaatileqatigiiffiit ingerlatseqatigiiffittut aaqqissuussaannerminni¹ Tunumi aalisarnermik siuarsaaqataaratarsinnaanerat, taamaattoqassappallu taamatut ingerlatseqatigiiffimmik pilersitsinermi suut piumasqaataassanersut.
- Maanna aalisarnerup ineriartortinnissaanut unammiligassat killiliisullu suussusersinissaat, kiisalu taakku qanoq pitsaanerpaamik iliuuseqarfigneqarsinnaanersut anigorneqarlutillu.
- Soqutigisallit naleqquttut Tunumilu innuttaasut akuutinneqarnissaat, soorlu Tunumut paasisassarsiorluni angalanikkut, taamaalillutik Tunumiut pissusiviusunut oqaaseqarnissamut ilapittuuteqarnissamullu periarfissaqartissallugit.

Siunnersuutip aningaasatigut kingunissai

Inatsisartut Suleriaasianni § 33, imm. 1-imi takuneqarsinnaavoq, aalajangiiffigisassatut siunnersuutip piviusunngortinnerani siunnersuutip tunngavilersuutitaani aningaasatigut allaffissornikkullu kingunerisassai allaaserineqarsimassasut. Tamanna naapertorlugu siunnersuuteqartoq taama nassuiaateqarsimavoq.

Tamatununga atatillugu ataatsimiititaliap paasinninnera malillugu aningaasatigut allaffissornikkullu kingunissaanut nassuiaatip tigussaasumik ilusilerneqarnera aaqqissornerqarneralu apeqqutaangaatsiassapput, Naalakkersuisunillu ataatsimiititaliap kaammattuutai malinneqassappata akissajaatit allaqqussassaangitsumik


¹ Matumani nassuiaatitut isumassarsiorfiusutullu Thorupstrand Kystfiskerlaug pillugu ataatsimiititaliaq innersuussivoq, una aqqtigalugu: <http://www.thorupstrandfisk.dk/mere-viden/kystfiskerlauget/>

qaffariaateqartussaassapput. Tamatumani aamma isiginiagassaapput nassuiaatip annertusinerani ajornartorsiutip siamasinnerusup pilernissaa, kiisalu Tunumut paasisassarsiorluni angalaratarsinnaaneq. Saniatigut akissajaatit eqqoqqissaartumik qanoq amerlatiginissaat inernilissallugu ataatsimiititaliaq tungavissaqanngilaq, piviusorsiorsoraluguli nassuiaammut akissajaatit AC-mik sulisinneqartup ukiumut suliaasa affaaniit ilivitsup tungaanut annertussuseqarumaassasut (500.000 kr.-t tungaanut)

Ataatsimiititaliap inassutai

Ataatsimiititaliap isumaqatigiittup inassutigaa siunnersuut akuerineqassasoq.


Taamatut oqaaseqarluni isumaliutissiissummilu allassimasutut paasinnilluni ataatsimiititaliap siunnersuut aappassaaniigassanngortippaa.



Hans Aronsen
Siulittaasoq



Michael Rosing
Siulittaasup tullia



Mala Høy Kúko



Nikkulaat Jeremiassen



Henrik Fleischer



Kelly Berthelsen



Villy Olsvig